

Skijaški savez Federacije BiH

Alipašina 14L

71 000 Sarajevo

Bosna i Hercegovine



**PRAVILNIK SKIJAŠKOG SAVEZA FEDERACIJE BIH ZA SUFINANSIRANJE
JUNIORSKOG ALPSKOG TIMA**

Novembar 2022

I OPŠTE ODREDBE

Član 1

Skijaški savez Federacije BiH (u daljem tekstu Savez), na osnovu zahtjeva članova UO Saveza, pravi pravilnik o sufinansiranju Juniorskog tima (u daljem tekstu Tim).

Član 2

O načinu i vrsti sufinansiranja odlučuje UO Saveza.

Član 3

Izrazi korišteni u ovom pravilniku, a koji su radi preglednosti dati u jednom gramatičkom rodu, bez diskriminacije se odnose i na muškarce i na žene.

II ČLANSTVO U JUNIORSKOM TIMU

Član 4

Članovi Tima mogu biti svi takmičari čiji su klubovi članovi Saveza i koji su izmirili sve finansijske i administrativne obaveze prema Savezu.

Član 5

Savez će sufinansirati pripreme i odlaske na takmičenja takmičarima čiji prag nije veći od 150 FIS bodova, u bilo kojoj disciplini, bez obzira koliko članova ima Tim.

Član 6

Ukoliko takmičar, koji je dio Tima, ne putuje sa Timom na trening ili takmičenje, njegovo mjesto zauzima sljedeći takmičar koji ima najbolje bodove po trenutnoj zvaničnoj FIS rang listi.

Član 7

Takmičar koji ne ispunjava uslove za članstvo u Timu, može putovati sa Timom samo ako se otvori slobodno mjesto uz punu participaciju. Takmičar je dužan da plati sve svoje troškove.

Član 8

Takmičari koji nisu dio Tima, a popunjavaju upražnjeno mjesto, biraju se po trenutnoj zvaničnoj FIS rang listi.

Član 9

Broj takmičara, koji nisu dio Tima, koji se priključuju timu, određuje UO Saveza.

III SUFINANSIRANJE JUNIORSKOG TIMA

Član 10

Savez će sufinansirati takmičare u okviru budžeta koji je namjenjen Timu.

Član 11

Savez će sufinansirati jednog trenera i šestnajboljih juniora vodeći se trenutnim najboljim bodovima na zvaničnoj FIS rang listi u bilo kojoj alpskoj disciplini.

IV BIRANJE JUNIORSKOG TIMA

Član 12

Tim bira UO Saveza.

Član 13

Tim će se birati isključivo po trenutnim zvaničnim FIS bodovima.

Član 14

Timu se priključuju državni prvaci u izlaznoj kategoriji U16.

Član 15

Članovi iz kategorije U16 će se sufinansirati od 1.5.2023 do 15.4.2024 godine.

V IZBOR TRENERA JUNIORSKOG TIMA

Član 16

Odluku o izboru trenera donosi UO Saveza u dogovoru sa trenerima koji vode Timove.

Član 17

Ukoliko se ostvari mogućnost i potreba za dodatnog trenera, birat će se po istom kriteriju kao glavni trener.

VI DISCIPLINSKI SUD

Član 18

Članovi Tima moraju poštovati pravila sportskog ponašanja.

Član 19

Treneri koji vode Tim moraju poštovati pravila sportskog ponašanja.

Član 20

Ukoliko trener ili takmičar ne poštuju sportsko ponašanje, UO zadržava pravo da ih odstrani iz tima.

VII OBAVEZE ČLANOVA JUNIORSKOG TIMA

Član 21

Svaki član Tima kojeg sufinansira Savez obavezan je da nosi logo sponzora koji mu propiše Savez.

Član 22

Članovi Tima, koji se sufinansiraju, su dužni da vode mjesečne evaluacije skijaških treninga i takmičenja i dostave ih Savezu na mail najkasnije do petog u mjesecu. Evaluacijski karton će dobiti od Saveza.

Član 23

Svi članovi Tima, koji se sufinansiraju, dužni su potpisati ugovor sa UO Saveza sa pravima, obavezama i kodeksom ponašanja.

Član 24

Ukoliko je član tima maloljetan, ugovor se potpisuje sa starateljem.

VIII IZLAZAK IZ JUNIORSKOG TIMA

Član 25

Takmičar koji ispunjava uslove da bude član tima, može da odbije plan i program Saveza, ali se tim postupkom odriče sufinansiranja od Saveza.

Član 26

Ukoliko takmičar popravi FIS bodove i nakon presjeka stanja na zvaničnoj FIS listi napravi bolje bodove od drugog takmičara iz Tima, zauzima njegovo mjesto u timu. Najlošije rangirani takmičar istupa iz Tima i ne podliježe sufinansiranju.

Član 27

Takmičari koji ne ispune 80% fizičkog testa neće biti sufinansirani od Saveza. Testiranje fizičke spremne će se raditi dva puta godišnje, inicijalno u proljeće i kontrolno na jesen.

Član 28

Vrsta testa je definisana u strategiji Saveza i sprovodit će je treneri čiji su takmičari članovi Tima.

Član 29

Ukoliko član Tima ne šalje evaluacijski izvještaj, UO Saveza zadržava pravo da ne sufinansira takmičara.

Član 30

Ukoliko takmičar ne trenira redovno i ne takmiči se, UO Saveza zadržava pravo da ne sufinansira člana Tima.

IX OBAVEZE TRENERA

Član 31

Trener je dužan da se brine o Timu i da redovno izvještava Savez o radu i rezultatima

X OBAVEZE SAVEZA

Član 32

Savez je dužan da klubovima, čiji su takmičari članovi Tima, unaprijed pošalje plan sufinansiranja takmičenja ili treninga.

Član 33

Savez je dužan da pošalje izvještaj o radu članova svim klubovima čiji su takmičari članovi Tima.

Član 34

Savez zadržava pravo da izmjeni plan i program sufinansiranja.

Član 35

Primjena ovog pravilnika počinje od 1.05.2023. do 15.4.2024.

UO SSFBIH